

43 50

արարար

Տողաբրդակա
Պատճառագր

2064

891.71
5-80

Կ. Պաշտ. 910

392

ԿՈՍՍ ԼԵՒ ԹՕԼՍԹՕՅ

ԺՈՂՈՎՐԴԱԿԱՆ ՊԱՏՄՈՒԱԾՔՆԵՐ

Ա..

ՄԱՐԴԻԿ ԻՆՉՈՎ ԿԱՊՐԻՆ

ՀՐԱՏԱՐԱԿՈՒԹԻՒՆ Ե. Ք. ԸՆԿԵՐԱԿՑՈՒԹԵԱՆ
ՍԿՐԻՏՈՒՐ

891.71
S-80



12009

1910

ՅՊԱԿՐ. ՕՆՆԵԿ ԲԱՐՍԵՂՆԱՆ ԵՒ ՈՐԻՔ
ՂԱՍԹԻՅ - Կ. ՊՈՒՐՍ

2011

89171

Կոստ Լե՛ի ԹՕԼՍԹՕՅ

S-80

Այր.

ԺՈՂՈՎՐԴԱԿԱՆ ՊԱՏՄՈՒԱԾՔՆԵՐ

Ա.

ՄԱՐԴԻԿ ԻՆՉՈ՛Վ ԿՍՊՐԻՆ

ՀՐԱՏԱՐԱԿՈՒԹԻՆ Ե. Ք. ԸՆԿԵՐԱԿՑՈՒԹԵԱՆ
ՍԿԻՏԱՐԻ



392

13794

ԵՐԿՈՒ ԽՕՍՔ

Թօլսթոյ ժամանակակից մեծագոյն հաննարներէն
մէկն է: Իր գրականութիւնը սառապող մարդկութեան
համար խորունկ կարեկցութեան մը արսայայտութիւնը
կը պարունակէ:

Սկիւսարի Ե. Ք. ընկերակցութիւնը բարգմանելով
համբաւաւոր հեղինակին այս պատմուածքը կը կարծէ,
Սիրոյ բազաւորութեան երկրիս վրայ սարածումին եւ
նայ գրականութեան կենսաւորումին նպաստած ըլլալ:



346-54 9



ՄԱՐԴԻԿ ԻՆՉՈՎ ԿՄՊՐԻՆ

«Մեք գիտեմք զի փոխեցաք ի մահուանէ ի կեանս, քան զի սիրեմք զեղբարս, իսկ որ ոչն սիրէ, անդէն ի մահու մնայ:»

(Ա. Իւր. Յ. 14.):

«Որ ունիցի զկեանս ինչ զաշխարհիս, և տեսանիցէ զեղբայր իւր կարօտեալ իւրէք, և փակիցէ զգութս իւր առ ի նմանէ, զիա՞րդ սէրն Աստուծոյ ի նմա իցէ բնակեալ: Որդեակք, մի՛ բանիւք և լեզուօք սիրեսցուք, այլ արդեամբ և ճշմարտութեամբ:»

(Խ. Գ: 17, 18.):

«Սիրելիք, սիրեսցուք զմիմեանս, զի սէր յԱստուծոյ է, և ամենայն որ զԱստուծ սիրէ՝ յԱստուծոյ է ծնեալ և ճանաչէ զԱստուծ: Եւ որ ոչն սիրէ՝ ոչ ճանաչէ զԱստուծ զի Աստուծ սէր է:»

(Խ. Գ: 7, 8.):

«ԶԱստուծ ուրուք երբէք չիք տեսալ. եթէ սիրեսցուք զմիմեանս, Աստուծ ի մեզ բնակէ, և սէր նորա ի մեզ կատարեալ է:»

(Խ. Գ: 12.):

«... Աստուծ սէր է. և որ կայ ի սէրն՝ բնակեալ է յԱստուծ և Աստուծ ի նմա բնակէ:»

(Խ. Գ: 16.):

«Եթէ որ ասիցէ եթէ սիրեմ զԱստուծ, և զեղբայր իւր ասիցէ, սուտ է. որ ոչ սիրէ զեղբայր իւր քոր տեսանէ, զԱստուծ զոր ոչն ետես՝ զիա՞րդ կարիցէ սիրել:»

(Խ. Գ: 20.):

Ա.

Տունէ և հողէ զուրկ հնակարկատ մը կար որ զաւակներուն հետ գիւղական խրճիթի մը փոքր սենեակին մէջ կը բնակէր և ապրուստը կը ճարէր կօշիկներ շինելով: Հացը սուղ էր, աշխատութիւնն ալ աժան՝ որով ստիպուած էր ամբողջ վաստակը ուտեստեղէնի ծախսել:

Կօշկակարը և կինը միայն մէկ հատ մուշտակէ վերարկ ու ունէին ան ալ խիստ հին: Երկու տարիէ ի վեր մարդը

կը խորհէր նոր վերարկու մը շինելու համար ոչխարի մորթ գնել :

Չմբան մօտ կօշկակարը թղթադրամ՝ երեք բուպլիի (36 դրուշ) գումար մը խնայած և ի պահ դրած էր կնոջը սնտուկին մէջ, Ասկէ զատ գիւղացիները հինգ բուպլիի եւ քսան կոպէկի (62 1/2 դրուշ) չափ գումար մը կը պարտէին իրեն :

Չմեռ առաւօտ մը մարդը որոշեց գիւղ իջնալ՝ նոր վերարկուն գնելու համար : Ծապիկին վրայէն հագաւ կնոջը Չինական գեղին կտաւով պատատուած պարեգօտը . անոր վրայէն ալ իր լաթէ վերարկուն : Գրպանը խօթեց երեք բուպլիինոց թղթադրամը, գաւազանը առաւ և նախաճաշը ընելէ վերջ ճամբայ ելաւ :

Առանձինն կը մտածէր ու կ'ըսէր .

« Հինգ բուպլի գիւղացիներէն պիտի առնեմ, երեք ալ դրպանս ունիմ այս գումարով վերարկուի մը բաւելու չափ ոչխարի մորթ կարելի է գնել » :

Կօշկակարը գիւղ հասաւ եւ գիւղացիներէն միոյն խրճիթը մտաւ : Մարդը գուրս ելած էր : Թէև կինը մերժեց նոյն վայրկեանին ս և է դրամ տալ, սակայն խոստացաւ շաբաթ մը վերջ պարտքը ղրկել ամուսնոյն միջոցաւ : Ուրիշ գիւղացիի մը գիմեց՝ ան ալ երդումով ըսաւ թէ գրամ չ'ունէր եւ հանեց քսան կոպէկ վճարեց կօշիկներու նորոգութեան համար : Կօշկակարը փորձեց վարկով ոչխարի մորթ ձեռք ձգել, սակայն վաճառականը մերժեց : « Իրամը բե՛ր » ըսաւ վաճառականը « եւ վերջը ուղածդ ընտրէ, ապառիկ բան ծախելուն համը առած եմ » :

Այսպէս՝ հակառակ կրած նեղութիւններուն, կօշիկներու նորոգութեան համար ստացած քսան կոպէկէն զատ ոչինչ ձեռք ձգեց, ու յուսահատութենէ մղեալ այդ քսան կոպէկը օղիի տալէ վերջ դէպի տուն ճամբայ ելաւ :

Առաւօտուն շատ մօտ էր, սակայն հիմա, առանց ոչխարէ վերարկուի, օղին խմելէ վերջ ինքզինքը տաք կը զգար : Գաւազանը ստոած գետնին զարնելով կը յառաջանար ու ինքնիքն կը մրմնջէր :—

« Առանց վերարկուի ինքզինքս տաք կը զգամ : Քիչիկ մը օղի ձնկեցի ու ան ներսս շրջան կ'ընէ կոր : Վերար-

կուի պէտք չունիմ . շատ աղէկ եմ՝ եւ բոլոր ցաւերս ալ մոռցած : Ահա աս տեսակ մարդ մըն եմ ես, վերարկուն ի՞նչ պիտի ընեմ . ամբողջ կեանքիս մէջ վերարկուի ևն . ի պէտք չունիմ : Միայն թէ մեր կինը քէն պիտի ընէ հետս ըրածը պարզապէս ամօթ է . իրեն համար աշխատիմ, ան ալ հետս այս կերպով վարուի : Լա՛ւ քիչ մը սպասէ . Աստուած վկայ քեզի կը սորվեցնեմ եթէ ստակը չի բերես : Քսան կոպէկը ձեռքիս մէջ գնելով կը կարծես թէ զիս կրնա՞ս խաբել : Քսան կոպէկով ի՞նչ կրնայի ընել խմելէ զատ : Լաւ եթէ դուն ստակ չ'ունիս իմ ստա՞կս ուրիշ է, դուն արջառ, տուն ամէն ինչ ունիս, ես ոչի՛նչ ունիմ : Քու հացդ դուն կը պատրաստես, ես ստիպուած եմ իմինս գնել : Ծաբաթը երեք բուպլի կը վճարեմ միայն հացի համար : Տուն պիտի երթամ եթէ հացը հատած է, մէկ ու կէս բուպլի ես պիտի քամ : Ստակս անպատճառ վճարելու ես » :

Կօշկակարը մօտեցած էր փոքրիկ մատուռի մը, ուր ճամբան դարձուածք մը կ'առնէր : Հեռուն նայեցաւ եւ կարծես պատին մօտիկը աչքերուն ճերմակ բան մը երեւցաւ : Մութը կոխել սկսած էր, ուստի աչքերը շփեց անգամ մը, սակայն այս անգամ ալ չկրցաւ առարկային ինչ ըլլալը ճշգրիտ :

« Այդ տեղ քար չկար », խորհեցաւ « Արգեօք գազա՞ն մըն է, սակայն կենդանիի երեւոյթ չունի . գլուխը մարդու գլուխ է, սակայն շատ սպիտակ է : Պակէ զատ մարդը հոտ ի՞նչ բան ունի » : Կօշկակարը մօտեցած ըլլալով հիմա որոշակի կրնար տեսնել : Յիրաւի մարդ մըն էր ան, կամ մեռած էր կամ ողջ : Վախով համակուած խորհիլ սկսաւ, « մէկը սպաննած ու մերկացուցած ըլլալու է զինքը՝ ու այս վիճակին մէջ հոս ձգած : Եթէ քովը երթալով վերցնեմ, գլխուս փորձանք կուգայ վերջը » :

Սկսաւ ճամբան շարունակել ու անկիւնը անցաւ : Մարդը այլեւս չէր տեսնուիր : Մատուռին քովէն բաւական հեռանալէ վերջ ետին նայեցաւ անգամ մը ու տեսաւ որ մարդը նստած կը շարժէր և կարծես իրեն կը նայէր : Կօշկակարը ալ աւելի վախցաւ եւ խորհեցաւ . « Ի՞նչ ընեմ,

ճամբաս շարունակե՞մ թէ քովը երթամ: Տէրը գիտէ թէ ո՞վ է այս մարդը եւ հոս ի՞նչ կ'ընէ: Ո եւ է օգտակար նպատակի չի կրնար ծառայել: Եթէ քովը երթամ, թե-րեւս վրաս յարձակի եւ վնասէ ենծի, այն ատեն ի՞նչ ընեմ: Եթէ նոյն իսկ չի յարձակի ի՞նչ օգուտ կրնամ ու-նենալ իրեն: Չեմ ուզեր նեղութեան ենթարկուիլ մերկ մուրացիկի մը համար: Գիտեմ գլխուս գալիքը, պէտք պի-տի ըլլայ մերկանալ բոլոր ունեցածէս եւ անոր տալ: Աս-տուծոյ օգնութեամբ աս տեղէն հեռանայի:»

Փութով կը յառաջանար: Մատուռէն բաւական մը հե-ռացած էր արդէն եւ ահա, խիղճը սկսաւ գինքը տանջել: Ճամբուն մէջտեղը կանգ առաւ:

«Ի՞նչ կ'ընես, Սիմոն,» ըսաւ ինքզինքին, «նեղու-թեան ենթարկուած եւ մահամերձ վիճակի մէջ մարդ մը կայ եւ դուն վախնալով կ'առնես կը քալես: Արդեօք շատ հարձուստ ես եւ կը վախնաս որ քեզ կը կողոպտեն: Սի-մոն, իմաստուն ընթացք չէ այս:»

Ռ.

Սիմոն մարդուն մօտեցաւ եւ ուշադիր ակնարկով մը քննեց դայն: Երիտասարդ էր ան ու զօրաւոր կազմ ունէր: Մարմնոյն վրայ ո եւ է վերք չկար, միայն թէ սառած եւ վախցած երեւոյթ մը ունէր: Ընկճուած երեւոյթով մը նըս-տած էր եւ կարծես գլուխը վեր վերցնելու եւ Սիմոնին նայելու ոյժ չունէր: Սիմոն աւելի մօտեցաւ: Մարդը կար-ծես յանկարծ արթնցաւ, գլուխը վեր վերցուց, աչքերը բացաւ եւ Սիմոնին նայեցաւ: Այդ ակնարկը պատճառ եղաւ որ Սիմոն անձանօթը սրբեր: Հանեց տաքուկ կօշիկ-ները, հանեց մէջքի գօտին ու կօշիկներուն վրայ դրաւ, վերարկուն իսկ հանեց:

«Պօսելու եւայլնի ժամանակ չէ՛ շուտով հագիր ասոնք:» Սիմոն մարդուն ձեռքէն բռնելով ոտքի հանեց դայն: Տե-սաւ որ սրունքները պնդակազմ էին, մարմինը մաքուր ու բարեձեւ, դէմքն ալ գրաւիչ: Վերարկուն մարդուն ուսե-

րուն վրայ դրաւ եւ որովհետեւ ան վերարկուին թեւերը չի կրցաւ գտնալ օգնեց ու հագցուց, գօտիով ալ մէջքը լաւ մը պատտեց: Հնամենի գլխարկը հանելով մարդուն գլուխը դրաւ, սակայն իր գլուխը մտիլ սկսաւ: «Ճա-ղատ գլխուս վրայ մազ չունիմ, սակայն ան երկայն ու խփու մազեր ունի:» Այս տրամաբանութենէն վերջ գլխարկը հանեց ու դարձեալ գլուխը դրաւ: «Աղէկ կ'ըլլայ որ կօշիկներս ալ հագցնմ:» ըսաւ իւրովի ու մարդը գեանին վրայ նստեցնելով կօշիկները հագ-ցուց: Այս ալ լմնցնելէ վերջ «Նղբայր,» ըսաւ մար-դուն, շարժէ որպէսզի տաքնաս: Մի մտմտար, այս բանե-րը մեր ձեռքով չեն կրնար կարգադրուիլ:»

Մարդը ոտքի ելաւ եւ յուզմամբ Սիմոնին նայեցաւ, սակայն ոչ մէկ բառ կրցաւ արթասանել:

«Լա՛ւ, ինչո՞ւ չես խօսիր: Չմեռր հոս անցնելու չենք. պէտք է տուն երթալ: Առ սա գաւազանս եւ անոր կրթնէ եթէ ինքզինքդ տկար կը զգաս: Օն զգաստացի՛ր:»

Մարդը սկսաւ մեղմօրէն քալել եւ մինչ ճամբէն վար կ'իջնէին Սիմոն հարցուց.

- Լա՛ւ, ու՞րկէ, կուգաս տեսնենք:
- Այս կողմերէն չեմ:
- Այս կողմի մարդիկը կը ձանչնամ: Ի՞նչպէս այս մատուռին մօտերը եկար:
- Չեմ կրնար ըսել:
- Մէկը քեզ վերաւորեց:
- Ոչ ոք զիս վերաւորեց: Ես Աստուծոյ կողմէ պատ-ժուեցայ:
- Այդ սովորական ճշմարտութիւն մըն է, ամէն մարդ Աստուծոյ կը պատժուի, սակայն կերպով մը պէտք է ապ-րիլ: Ո՞ւր երթալ կ'ուզես:
- Ինծի համար ամէն տեղ մէկ է:
- Սիմոն ապշահար կեցած էր: Մարդը չարագործի երեւոյթ չունէր, խօսակցութիւնը փափուկ էր եւ սակայն իր մասին ո եւ է յայտնութիւն ընելէ կը խուսափէր:
- Սիմոն ըսաւ իւրովի «Ինծի ի՞նչ իր ինքնութիւնը» ու խօսքը օտարականին ուղղելով.

«Լաւ, եթէ կ'ուզես իմ տունս երթանք, հոն կ'ընաս հանգչիլ եւ ինքզինքդ տաքցնել քիչիկ մը.» ըսաւ :

Սիմոն դէպ ի խրճիթ կ'երթար օտարականն ալ քովիկէն կ'ընկերանար: Հովը Սիմոնի չապիկին մէջէն անցնելով դող կ'ազդէր:

«Ահա աղուոր վերարկու մը: Գիւղ գացի մորթէ վերարկու մը գնելու համար ու քաֆթանս (*) ալ ձեռքէ հանեցի. ասկէ դատ հետս մերկ մուրացիկ մը տուն կը տանիմ: Մարթա գոհ չպիտի մնայ»:

Մարթա միտքը ինչալուսն պէս. ինքզինքը անհանգիստ զգաց: Օտարականին վրայ նայեցաւ անգամ մը և երբ յիշեց այն ակնարկը որ ան նետած էր իր վրայ մատուռին մօտիկը սիրաբը ուժգին կերպով բարախել սկսաւ:

9.

Սիմոնին կինը կանուխ մը գործերը լմնցուցած, վառելափայտը պատրաստած, շուրը բերած, տղաքը կերակրած, քիչ մը կերակուր կերած էր ու նստած կը խորհէր հացը այսօր և կամ վաղը շաղուելուն վրայ: Դեռ հացի մեծկակ կեղեւ մը կար:

«Եթէ Սիմոն հացը հոն կերաւ» կը խորհէր նէ և եթէ գիշերը քիչ ուտէ, վաղուան համար բաւական հաց պիտի մնայ:» Մարթա հացը անգամ մը ձեռքին մէջ դարձնելէ վերջ ըսաւ «Հացը այսօր չպիտի շաղուեմ. հացի մը ալիւր ունինք, մինչեւ Ուրբաթ պէտք է բաւեցնել ան»:

Մարթա մէկդի դրաւ հացը եւ ամուսնոյն չապիկին մէկ պատուում քը կարելու համար սեղանին առջեւը նստաւ: Կարելու ատեն միտքը եկաւ ամուսինը եւ իր գնելիք ոչխարի մորթերը: «Երանի թէ վաճառականը գինքը չխարէ: Բարի մարդուկս շատ դիւրահաւան է: Ինք ուրիշը չի խաբեր, բայց տղայ մը իսկ կ'ընայ իր քիթէն բռնել: Ութը ըուպիին կարեւոր գումար մըն է: Աղուոր վերարկու մը

(*) Երկայն լսթէ վերարկու մը որ գիւղացիները կը հագնին:

կարելի է գնել անով: Թող խաղախորդուած չըլլայ ինչ կ'ըլլայ: Անցեալ ձմեռ առանց վերարկուի որքան նեղուեցանք: Ո՛չ գետ կըցանք երթալ ոչ ալ ուրիշ տեղ մը: Ունեցածս չունեցածս կը հագնէր դուրս կ'ելլար: Բաւական ատենէ ի վեր մեկնած է հիմա եկած ըլլալու էր: Փոքրիկ աղաւտեակս չեմյուսար որ գինովցած ըլլայ:»

Մարթա մինչ այսպէս կը խորհէր, դրանը ձոնչելը ու մէկու մը ներս մտնելը լսեց: Ասեղը չապիկին վրայ խօթեց և դէպ ի նրբանցք յառաջացաւ, երկու մարդ տեսաւ: Մէկը Սիմոնն էր և միւսը օտարական գիւղացի մը որուն գլուխը գլխարկ չկար ու հին կօշիկներ կը կրէր:

Մարթա վայրկեանապէս օդի ի հոտ առաւ ամուսնոյն շունջէն: «Ահա վախս իրականացաւ, գացեր լաւ մը գիւնովցեր է»: Յաւով դիտեց որ քաֆթանը չէր հագած ու միայն վերարկուն վրան կը տեսնուէր, ձեռքը բան մը չունէր, լուռ կեցած էր և անհանգիստ երեւոյթ մը ունէր: Կնոջ սիրաբը կտարեցաւ:

«Ամբողջ ստակը օդի է վատներ: Թափառաշրջիկ գինեմուրի մը հետ խմելէ վերջ հիմա ալ ատեր զայն տուն է բերեր» կը տրամաբանէր:

Մարթա թողուց որ սենեակէն ներս մտնեն, ինքն ալ անոնց հետեւէն մտաւ: Տեսաւ որ օտարականը երիտասարդ էր ու իրենց քաֆթանը կը կրէր: Քաֆթանին ներքեւ չապիկ չէր երեւար ու գլուխը գլխարկ չկար: Օտարականը սենեակ մտնելուն պէս, աչքերը գետնին յառած անշարժ կեցաւ:

«Վախկոտ երեւոյթ մը ունի, աղէկ մարդ չ'երեւար» ըսաւ Մարթա իւրովի ու փուռին մօտեցաւ խոժոռ դէմքով: Հոս կեցաւ ու սկսաւ շարժումներն իր դիտել: Սիմոն չտեսնալու զարկաւ այս շարժումները եւ գլխարկը հանելով նստարանին վրայ դրաւ:

«Մարթա՛, մեզի քիչ մը ուտելու բան կուտա՞ս»:

Մարթա գլուխը շարժելով ակռաներուն մէջէն բաներ մը մըմօաց ու փուռին քովէն չի հեռացաւ: Սիմոն դիտեց

որ կի՛նր լաւ տրամադրութիւններու մէջ չէր գտնուեր :
Չնչմարել ձեւացուց եւ օտարականին ձեռքէն բռնելով ,

— Նստէ , եղբայր , եկուր ճաշինք . ըսաւ :

Օտարականը նստաւ նստարանին վրայ :

— Մարթա բան մը չն՞ս եփած :

Մարթա ամուսնոյն պատահանելով , զայրացկոտ ըսաւ

— Եփեցի , սակայն ոչ քեզի համար : Օղին խելքդ
թոցուցե՞ր է : Դուրս ելար վերարկու մը գնելու համար
ու հիմա տուն կը վերադառնաս առանց վրայի քաֆթանիդ
ու հեող մերկ թափառաչըջիկ մը կը բերես : Չեզ նման
գինովներուն ճաշ չունիմ :

— Կը բաւէ՞ , Մարթա՛ , ինչո՞ւ սանձարձակ լեզուիդ
կուտաս , առաջին անգամ հարցուր թէ ի՞նչ տեսակ մարդ
է հետինս :

— Ստակը ի՞նչ ըրիր :

Սիմոն քաֆթանին գրպանէն ստակը հանեց ու սեղա-
նին վրայ դրաւ :

— Ահա՛ ստակը , թրիւտնօֆ պարտքը չի վճարեց . խոս
տացաւ վաղը վճարել :

Մարթա ալ աւելի կատղեցաւ . Սիմոն վերարկուն չէր
գնած , քաֆթանը մերկ մուրացիկին յանձնած և զանիկա
առած հետը տուն էր բերած : Ստակը պահելու համար սե-
ղանին վրայէն քաշել առնելէ վերջ աւելցուց .

— Ճաշ չկայ , քու բոլոր մերկ մուրացիկներդ չեմ
կընար կերակրել :

— Մարթա՛ , կա՛մ լեզուդ բռնէ և կա՛մ ինձի մտիկ
ըրէ :

— Գինով խենդէ մը ինչ խելացի խօսք կարելի է ակն-
կալել : Քեզ հետ չամուսնանալով ո՛րքան իմաստուն բան
մը ըրած կ'ըլլայի : Ո՞ման , Մայրս քանի մը կտոր ճեր-
մակեղէն տուաւ ինձի , ծախեցիր ու ստակը օղիի տուիր .
դուրս ելար վերարկու մը գնելու համար , այդ ստակն ալ
խմելիքի տուիր :

Սիմոն ուղեց բացատրել մարդուն ուր հանդիպած և
օղիի համար քսան կոպէկ տուած ըլլալը , սակայն Մարթա

զայրացած մէկ բառ արտասանելու պատենութիւն չէր
տար : Տասը տարի առաջ բոլոր պատահաններու տրցակը
բացաւ և բռները իրարու ետեւէ տեղացուց : Յանդիմանեց
ու յանդիմանեց և վերջն ալ Սիմոնին վրայ խոյացաւ ու
զգեստին թեւերը քաշքշելով ըսաւ . « Տու՛ր սա՛ վերարկուս
ատիկա վերջինս է . սակայն քու հո՞ղդ է կ'առնես , աղուոր
մը կը հագնիս : Շո՛ւտ ըրէ , տո՛ւր , թշուառական շուն :
Ստտանան քեզ տանի՛ » :

Սիմոն վերարկուն մէկ թեւը հանելու վրայ էր .
Մարթայի քաշքշելուն վրայ կարերը քակուեցան : Մարթա
բռնութեամբ քաշեց հանեց զայն , գլխուն վրայէն նետեց
ու զէպի դուռ յառաջացաւ : Դուրս ելլելու վրայ էր՝ կե-
ցաւ : Երկու մտքէ էր , մէկ կողմէն կ'ուզէր վրէժը լուծել ,
միւս կողմէ օտարականին ո՛վ ըլլալը կը փափաքէր հաս-
կընալ :

Վ .

Մարթա կանգ առաւ ու ըսաւ .

— Եթէ իրապէս լաւ մարդ մը ըլլար մերկ չէր ըլլար :
Նոյն իսկ շապիկ մը չունի : Վստահաբար չարագործին
մէկն է : Ինչո՞ւ ուր գտնալդ չես ըսեր :

— Սակայն եկածէս ի վեր ջանացի այդ կէտը բացատ-
րել : Երբ մատուռին քովէն կուգայի , այս մարդը հոն սա-
ռած վիճակի մէջ գտայ : Ա՛մառ չէ որ մարդ մերկ նստի :
Աստուած զիս իւր մօտը առաջնորդեց եթէ ոչ պիտի մեռ-
նէր հոն : Լա՛ւ , ի՞նչ ընել էր պարտականութիւնս : Ի՞նչպէս
կընայի գուշակել թէ ինչ պատահած էր այս մարդուն :
Ուստի հագուեցուցի ու հոս բերի : Մի՛ բարկանար Մար-
թա , ինչո՞ւ կը մեղանչես , ամէնքս ալ պիտի մեռնինք :

Մարթա ուղեց դարձեալ յանդիմանել , սակայն օտա-
րականին վրայ նայեցաւ ու բան մը չըսաւ : Օտարականը
անշարժ նստած էր նստարանին մէկ քովիկը :

Չեռքերը խաչաձեւած դրած էր սրունքներուն վրայ :
Գլուխը կախ էր ու աչքերը գոց : Մարթա լուռ կը մնար :

— Մարթա՛ քու մէջդ Աստուծոյ հոգին չկա՞յ :

Մարթա լսեց այս բառերը, օտարականին վրայ ակնարկ մը նետեց և մէկէնիմէկ սիրար կակուղցաւ: Դուռնէն դուրս ելաւ, փռուին մօտ գնաց: Աման մը դրաւ սեղանին վրայ ու մէջը քվաւ (տեսակ մը հեղուկ) լեցուց և պահած հացի կեղեւը, դգալ ու դանակ բերաւ:

— Ահա՛ կերակուրնիդ, ըսաւ Մարթա:

Սիմոն օտարականը մօտը կանչեց. հացը ամանին մէջ փշրեց և սկսաւ ուտել: Մարթա սեղանին մէկ անկիւնը նստած ու դէմքը ձեռքին վրայ հանգչեցուցած օտարականը կը քննէր:

Մարթա սկսաւ խղճալ անոր վրայ՝ ու սիրել զայն: Օտարականին դէմքը յանկարծակի պայծառացաւ, աչքերը կնոջը ուղղեց ու փպտեցաւ: Ճաշերնին լինցուցին: Մարթա սեղանը վերցուց ու սկսաւ օտարականը հարցաքննել:

— Ուրկէ կուգաս:

— Այս կողմերէն չեմ:

— Ի՞նչպէս եղաւ որ սոյդ ձամբուն վրայ ինկար:

— Չեմ կրնար ըսել:

— Մէկը քեզ կողոպտեց:

— Աստուած զիս պատժեց:

— Եւ հոն այնպէս մերկ պառկած էիր:

— Այո՛ բոլորովին մերկ: Սոսկայի կը մօտի: Սիմոն զիս տեսաւ ու վրաս գթաց: Քաֆթանը հանելով ինծի հագցուց և զիս տուն առաջնորդեց: Հոս դուն զիս կերակրեցիր և մեղքնալով խմելու ջուր տուիր ինձ: Ասոր համար Աստուած քեզ պիտի վարձատրէ:

Մարթա ոտքի ելնելով պատուհանին մէջէն առաւ Սիմոնի կարկառուած հինցած շապիկը և օտարականին տուաւ: Տարատ մը գտաւ՝ ան ալ տուաւ:

— Ա՛հ, ըսաւ, կը տեսնեմ թէ շապիկ մը իսկ չունիս: Հագիր սա՛ և ուզած տեղդ պառկէ:

Օտարականը քաֆթանը հանեց, շապիկը հագաւ և ձեղնաշարկը ելնելով պառկեցաւ: Մարթա լոյսը մարեց քաֆթանին մէկ ծայրը վրան առաւ և ամուսնոյն քովիկը

պառկեցաւ: Սակայն ո՛չ կրցաւ քնանալ և ո՛չ ալ օտարականը մտքէն հեռացնել: Երբ կը մտածէր կերած վերջին հացի կտորին, հետեւեալ օրը հաց չըլլալուն, օտարականին տուած տաքատին ու շապիկին մասին անհանգիստ կը զգար ինքզինքը, սակայն երբ միտքը կ'իյնար օտարականին ժպիտը սիրար կը հրճուէր ու քախուրթեամբ:

Մարթա երկար ատեն անքուն մնաց, վերջը վերջը հասկցաւ թէ Սիմոն ալ չէր քնանար և քաֆթանը վրան կը քաշէր:

— Սիմոն, ըսաւ նէ:

— Ի՞նչ է:

— Հացի վերջին կտորը կերանք և վաղուան համար հաց չեմ շաղուած ի՞նչ պիտի ընենք: Դրացի Ամէլիայէն քիչ մը բան փոխ առնե՞մ. ի՞նչ կ'ըսես:

— Որ՛քան ատեն որ ողջ ենք, անօթի չպիտի մնանք: Կինը ձայն չհանեց ու խորհիլ սկսաւ: Յետոյ աւելցուց:

— Աղէկ մարդ մը կ'երևայ. սակայն իր մասին ինչո՞ւ բան մը չի յայտներ:

— Ինձ այնպէս կուզայ որ չի կրնար:

— Սիմոն:

— Ի՞նչ է:

— Մենք ուրիշներու կուտանք ուրիշները մեզի ինչու չեն տար:

Սիմոն պատասխան մը չկրնալով գտնել աւելցուց.

— Կը բաւէ՛. ա՛լ չխօսինք, և միւս կողմը դառնալով սկսաւ քնանալ:

Ե.

Հետեւեալ առաւօտուն Սիմոն արթնցաւ: Տղաքը տակաւին կը քնանային. կինը դրացիին դացած էր քիչ մը հաց փոխ առնելու համար: Օտարականը իր հին շապիկով ու տաքատով նստարանին վրայ նստած վեր կը նայէր ու դէմքը աւելի պայծառ էր այսօր: Սիմոն ըսաւ:

— Լաւ, բարեկամս, ստամոքսը հաց և մերկ մարմինը

զգեստ կ'ուզէ: Բու ապրուստդ շահելու ես: Ձեռքէդ ի՞նչ կուգայ տեսնենք:

—Ոչինչ գիտեմ:

Սիմոն զարմացած աւելցուց.

—Մարդ կամքի միջոցաւ ամէն ինչ կրնայ սորվիլ:

—Մարդիկ կ'աշխատին ես ալ կ'աշխատիմ:

—Անուշդ ի՞նչ է

—Միքայէլ:

—Լա՛ւ, Միքայէլ, եթէ քու ինքնութեանդ մասին ու եւ յայտնութիւնն չես ուզեր ընել այդ քու գիտնալիք բանդ է, սակայն ապրուստդ շահելու ես: Եթէ ինձ նման աշխատիս կը խոստանամ քեզ պահել:

—Աստուած քեզ վարձատրէ: Պիտի սորվիմ: Տուցուր ընելիքս:

Սիմոն դերձանը առաւ մատներուն մէջէն քաշեց և մոմոտելու կերպր ցուցուց:

—Տե՛ս դժուար չէ:

Միքայէլ դիտեց, դերձանը ոլորեց մատներուն մէջ և յաջողեցաւ մէկ անգամէն նմանցնել ու ծայր մը շինեց:

Սիմոն ցուցուց ներքին և արտաքին ներփաննեքը իրարու փակցնելու կերպը: Միքայէլ այս ալ անմիջապէս հասկեցաւ, վարպետը յետոյ սորվեցուց ասեղ անցնելու և կարելու կերպը: Միքայէլ շուտով այս ալ սորվեցաւ: Կոշկակարը ինչ որ ցուցուց Միքայէլ անմիջապէս իւրացուց և երեք օրուան մէջ սկսաւ գործել այնպէս մը իբր թէ ամբողջ կեանքին մէջ կօշկակար եղած ըլլար:

Անդադար կ'աշխատէր քիչ կ'ուտէր և երբ գործը լըմընցնէր լռիկ նստելով վեր կը նայէր: Քիչ անգամ փողոց կ'ելնէր, պէտք եղածին չափ միայն կը խօսէր, ո՛չ կը խնդար, ո՛չ ալ կը կատակէր: Միայն մէկ անգամ խնդալը տեսան ան ալ առաջին իրիկունը՝ երբ կինը կերակուր տուաւ:

2.

Օրեր ու շաբաթներ իրարու յաջորդեցին ու ամբողջ տարի մը սահեցաւ անցաւ: Միքայէլ Սիմոնի տան մէջ կը բնակէր ու անոր համար կ'աշխատէր: Սիմոնի աշակերտին համբաւը տարածուեցաւ: Մարդիկ կ'ըսէին թէ Միքայէլի նման կոկիկ, զօրաւոր կօշիկներ շինող չկար: Անն կողմէ Սիմոնի կը դիմէին կօշիկներու համար, այս պատճառաւ ան սկսաւ հարստանալ:

Ձմեռ օր մը Սիմոն և Միքայէլ նստած կ'աշխատէին: Երեք ձիով ու գանգալներով բալխիք մը կանգ առաւ հիւղակին առջեւ: Պատուհանէն դուրս նայեցան ու տեսան որ բալխիքին վրայէն մարդ մը ցատկելով դուռը կը բանար: Մորթէ վերարկուի մը մէջ փաթթուած ազնուական մը դուրս ելաւ կողքէն և դէպի Սիմոնին հիւղակը յատուցացաւ: Մարթա վազեց դուռը կրնակի վրայ բացաւ: Ազնուականը ծոկելով դռնէն անցաւ. երբ ուղիղ կեցաւ գրեթէ ցեղունին կը դպէր գլուխը: Կարծես սենեակին կէսը լուցուց:

Սիմոն ոտքի ելնելով խոնարհութիւն մը ըրաւ և օտարականին նայեցաւ զարմացմամբ: Անոր նման մարդ երբէք չէր տեսած: Ինք անձնապէս նիհար էր, Միքայէլ ալ նիհար էր, Մարթա շորցած տարեխի կը նմանէր: Այս մարդը կարծես ուրիշ աշխարհէ մը կուգար: Դէմքը պայծառագեղ էր ու գիրուկ, վիզը ցուրի մը վիզին կը նմանէր ու երկաթէ կազմ մը ունէր:

Ազնուականը կանոնաւոր շնչատուութիւնը վերստացաւ վերարկուն հանեց, նստարանին վրայ նստաւ ու ըսաւ.

—Վարպետ ո՞վ է մէջերնիդ.

Սիմոն յառաջ անցնելով ըսաւ.

—Ես եմ Բարձրապատիւ Տէր:

Ազնուականը խօսքը ծառային ուղղելով պօռաց:

—Թէօտօր, կաշին ներս բեր:

ՄԵԺԿԵ

34657

Ծառան ծրար մը ձեռքը ներս վազեց: Ազնուականը ծրարը առաւ սեղանին վրայ դրաւ:

— Բա՛ց, պօռաց:

Ծառան ծրարը բացաւ: Ազնուականը մատովը կաշին ցուցնելով ըսաւ:

— Կօշկակար, մտիկ ըրէ՛, կը տեսնես այս կաշին:

— Այո՛, Բարձրագատիւ Տէ՛ր:

— Ինչ տեսակ կաշի ըլլալը կրնա՞ս ըսել տեսնենք:

Սիմոն անդամ մը շօշափեց կաշին ու աւելցուց:

— Ընտիր կաշի՛ է:

— Միամիտ արարած հարկաւ ընտիր կաշի է: Կեանքիդ մէջ այսպիսի կաշի տեսած չես: Գերմանական կաշի է ու քսան բուպլի կ'արժէ:

Սիմոն ապշահար կակազեց. «Ու՞ր կրնայի տեսնել այս օրինակ կաշի»:

Ազէ՛կ, աղէ՛կ, ոտքիս յարմար կօշիկներ պիտի կըրնա՞ս շինել կաշիէն:

— Կրնամ շինել, Բարձրագատիւ Տէր.

— Ո՛հ, կրնաս. անանկ է, որոտաց ազնուականը: Ազէկ նկատի առ թէ որո՞ւ համար պիտի շինես այս ոտնամանները և թէ որպիսի սուղ կաշիէ մը: Այնպէս պէտք է շինես որ առանց ճաթեցնելու որ կամ ձեւափոխելու կարենամ տարի մը հազնիլ: Եթէ կրնաս, առ կաշին և կարէ զայն, եթէ չես կրնար ըսէ և մի՛ վատնիր կաշին: Արդ, անա կ'աղաբարարեմ, եթէ կօշիկները ճաթին կամ տարիէ մը առաջ իրենց ձեւը կորսնցնեն, քեզ բանտարկել պիտի տամ: Իսկ եթէ չճաթին կամ չի հիննան, աշխատութեանդ համար տասը բուբլի պիտի տամ:

Սիմոն շուարած ինչ ըսելը չէր գիտեր: Միքայէլին դարձաւ նայեցաւ և արմուկովը մշտելով փսփոաց, «Գործը վրաս առնե՞մ: Միքայէլ զլուխը շարժեց հասկցնել ուզելով «Այո՛, առ»:

Սիմոն հաւանեցաւ և յանձն առաւ զոյգ մը կօշիկ շինել որ տարի մը առանց ճաթելու կամ ձեւափոխուելու պիտի հազնուէր:

Ազնուականը հրամայեց ծառային աջը քաշել և ոտքի ոտնամանը դուրս հանելով գեանին վրայ դրաւ:

— Ա՛ն, չափը:

Սիմոն տասնեօթր մատնաչափ երկար թուղթ մը կտրելով տարածեց. գետինը նստաւ. ձեռքերըր գոզնոցին սրբեց ազնուականին գուլպաները չաղտոտելու համար և սկսաւ չափը տոնել: Ներքանը չափելէ վերջ երբ կարգը եկաւ բուբլին, թուղթը կարճ եկաւ: Սրունքը բուբլին տեղը գերանի մը պէս հաստ էր:

— Հոգ տար որ սրունքին տեղը նեղ չընես:

Սիմոն, ոտք ելաւ ուրիշ թուղթի կտոր մը աւելցընելու համար, Ազնուականը նստած տեղը ոտքին մատները կը շարժակէր գուլպաներուն մէջ, և միեւնոյն ատեն հիւզակին մէջի մարդիկը կը դիտէր: Միքայէլը աչքին զարկաւ:

— Սա ո՞վ է ըսաւ:

— Գործաւորս է: Կօշիկները ան պիտի շինէ:

— Լաւ, նայէ ուրեմն, ըսաւ ազնուականը Միքայէլին: Ջանա՛, գանոնք այնպէս մը շինել որ տարի մը դիմանան:

Սիմոն դարձաւ նայեցաւ և տեսաւ որ Միքայէլ փոխանակ ազնուականին նայելու, անկէ անդին գտնուող բան մը կը դիտէր: Միքայէլ նայեցաւ ու նայեցաւ, յանկարծ ժպտեցաւ, և ամբողջ գէմքը ճառագայթեց:

«Ի՞նչ բանի վրայ կը ծիծաղիս, ապո՛ւշ», պոռաց ազնուականը «Աւելի աղէկ է որ հոգ տանիս և ոտնամանները ժամանակին լմեցնես»:

Միքայէլ ըսաւ.

— Որոշեալ ժամուն անոնք շինուած պիտի ըլլան:

— Բաւական է:

Ազնուականը ոտնամանները և մաշտակէ վերարկուն հագաւ, ծայրերովը յաւ մը փաթթուելէ վերջ գէպի գուռը յառաջացաւ, սակայն մոռնալով ծոխը գլուխը դուռի վերի սէմին զարկաւ:

Ազնուականը հայհոյեց և գլուխը շփեց, յետոյ բալխիքը մտնելով հեռացաւ: Անոր մեկնելէն վերջ Սիմոն ըսաւ.

—Ահա՛ քեզի ցուլ մը դոր չես կրնար թակով մը սպաննել .
գլխովը գրան գերանը խորտակեց, բայց բանի աեղ չի
դրաւ:

Մարթա ըսաւ,

—Այսպէս ապրելով անշուշտ կը գիրնան ու կը խորհիմ
որ նոյնիսկ մահը այդ մեծ մտի կտորին բան չկրնար ընել:

է.

Քիչ վերջ, Սիմոն Միքայէլին ըսաւ. «Նիմա հոս
նայէ, գործը վրանիս առինք, պէտք է ջանանք և նե-
ղութուն չտեղծենք»: Կաշին թանկագին է և աղնուականը
չարամոյն: Ձգոյ՛ ըլլանք եւ սխալ չընենք: Դուն առ չա-
փերը, աչքերդ աւելի ճկուն են և հիմա դուն ինձմէ աւելի
ճարտար ես: Կտրէ կաշին և ես երեսնեքը պիտի լրացնեմ:

Միքայէլ հնազանդեցաւ, առաւ կաշին, տարածեց
դայն սեղանին վրայ, երկուքի ծալլեց, առաւ դանակը և
սկսաւ կտրել:

Մարթա եկաւ և դիտեց դայն, ու ըրածը տեսնելով
զարմացաւ: Մարթա որ կօշկաշինութիւնը գիտէր, դի-
տեց որ Միքայէլ կաշին ոչ թէ ոտնամաններու՝ այլ մու-
ճակներու համար կը կտրէր, փափաքեցաւ խօսիլ սակայն
խորհելէ վերջ ըսաւ իւրովի, «Թերեւս ես չեմ գիտեր թէ
ինչպէս կը շինեն մարդոց կօշիկները. կարծեմ թէ Մի-
քայէլ աւելի աղէկ գիտէ, չեմ ուզէր միջամտել:

Երբ ամէն բան կտրեց, սուա դերձանը և սկսաւ կա-
րել, ոչ թէ դոյգ կարով ինչպէս կը կարեն, այլ մուճակ-
ներու համար գործածական պարզ կարով Մարթա նորէն
զարմացաւ, բայց դարձեալ չուզեց միջամտել: Միքայէլ
անընդհատ մինչեւ կէս օր կարեց: Յետոյ Սիմոն ելաւ և
տեսաւ որ Միքայէլ աղնուականին կաշիէն մուճակները, շի-
ներ էր: Քրթմնջեց «Ի՞նչպէս եղաւ» խորհեցաւ «Միքայէլ
ամբողջ տարի մը մեր հետը ապրեցաւ և սխալ մը չըրաւ,
և հիմա այսօրինակ սխալ մը գործեց: Ազնուականը
թանձր ոտնամաններ ապսպրեց և Միքայէլ առանց ներքանի

մուճակներ շինեց և ալսպէսով կաշին պարպ տեղ վատներ
է: Ի՞նչ պատասխան տամ մարդուն: Հոստեղ անոր նման
ուրիշ կաշի չեմ կրնար գտնել»:

Եւ ըսաւ Միքայէլին

—Ի՞նչ ըրեր ես բարեկամս զիո փճացուցիր, մարդը
կօշիկներ ապսպրեց և ի՞նչ շինեց ես:

Դեռ խօսքը աւարտած չէր երբ դուռը ուժգին կերպով
զարնուեցաւ, պատուհանէն նայեցաւ, մէկը եկեր էր ձիով,
և ձին կր կապէր, դուռը բացին, և ազնուականին ծառան
որ ցորեկին անոր հետ էր, ներս եկաւ:

—Բարի լո՛յ:

—Բարի յո՛յս, ի՞նչ կ'ուզես:

—Տիրուհիս խրկեց զիս ոտնամաններուն համար:

—Ոտնամաններո՞ւն համար ի՞նչ:

—Ազնուականը ա՛լ ոտնամաններուն պէտք չունի:
Մեռա՛ւ:

—Մի՛ ըսեր:

—Ձեր տունէն մեկնելէ վերջ, իր տունը հասնելէն
առաջ բալխիբին մէջ մեռաւ: Երբ տուն հասանք, դուրս
հանեցինք և ան սոպրակի մը պէս գետնին վրայ տա-
րածուեցաւ: Բողբոլին մեռած և սառած էր, դժուարաւ
կրցանք դայն բալխիբէն դուրս հանել: Տիկինը զիս ձեզի
խրկեց ըսելու. «Ես է կօշկակարին որ ոտնամանները ապրս-
պրող և կաշին ձգող մարդը անոնց այլ եւս պէտք չունի,
և ապսպրէ որ այդ նոյն կաշիէն ննջեցեալին համար մու-
ճակներ շինեն և սպասէ՛ մինչեւ որ պատրաստ ըլլան և
զանոնք քեզի հետ տուն բեր»:

Ահա այս բանին համար
եկայ:
Միքայէլ սեղանին վրայէն կաշիին կտորները ժողվեց
զանոնք ծրար մը ըրաւ. առաւ մուճակները որոնք բոլո-
րովին լմնցած էին, իրարու մէջ անցուց, զանոնք իր
գոգնոցովը սրբեց և երիտասարդին երկնցուց: Երիտասարդը
առաւ զանոնք:

—Մնաք բարով, վարպետներ և բարի յաջողութի՛ւն

Ը.

Տարի մը անցաւ, երկու տարիներ անցան, և հիմա Միքայէլ հինգ տարիէ ի վեր Սիմոնին հետ կ'ապրէր: Առաջուան պէս կ'ապրէր: Ոչ մէկ անգ չ'երթար: Պարապ նիւթերու վրայ չէր խօսէր, և բոլոր այս միջոցին երկու անգամ ժպտեցաւ. անգամ մը երբ Մարթա իրեն կերակուր տուած էր, և երկրորդ անգամ երբ աղուականը սենեակին մէջ նստած էր: Սիմոն շատ գոհ էր իր գործաւորէն այլևս չէր հարցնէր անոր թէ ուրկէ եկած էր:

Իր միակ վախը ան էր որ Միքայէլ կրնար գինքը թողուլ: Օր մը առնել նստած էին: Մարթա կաթսան կը տաքցնէր աղաքներ նստարաններուն վրայ կը խաղային և պատուհանէն դուրս կը նայէին. Սիմոն գործիքը կը սըրցնէր պատուհանի մը առջեւ, Միքայէլ միւս պատուհանին առջեւ նստած կրունկ մը կը բարձրացնէր:

Տղաքներէն մին նստարանին վրայէն վաղելով Միքայէլին քով եկաւ և անոր ուսերուն վրայ ծռելով պատուհանէն դուրս նայեցաւ: «Հօրեղբայր Միքայէլ» ըսաւ նայէ, վաճառականի մը կիներ մեղի կուգայ երկու փոքրիկ աղջիկներով: Աղջիկներէն մին կաղ է:

Հաղիւ թէ տղան այս բաժնէն էր, անա Միքայէլ իր գործը վար նետեց. դէպի պատուհանը դարձաւ և փողոցն ի վեր նայեցաւ: Սիմոն ապչեցաւ Միքայէլ երբէք դուրս նայելու սովորութիւն չուներ, սակայն հիմա կարծես պատուհանին փակած էր և բանի մը կը նայէր: Սիմոն եւս դուրս նայեցաւ, տեսաւ կոկիկ հագուած կին մը որ չի տակ դէպի իր դուռը կը յառաջանար: Երկու փոքր աղջիկներու ձեռքերէն բռնած էր ան: Մուշտակէ վերարկուներ և գլուխներուն վրայ ալ շալեր ունեցող պզտիկները այնքան իրարու կը նմանէին որ դժուար էր զանոնք իրարմէ զանազանել: Բայց մին կաղ էր և այդ բանը քալած աստիճան կ'երևէր: Կինը ուսնդուխներէն վեր ելլելով

նրբանցքը մտաւ, դուռը գտնելով մղակը վերցուց և ներս եկաւ:

- Բարի լո՛յս վարպետներ:
- Բարի եկաք, ի՞նչ բանի պէտք ունիք:

Կինը սեղանին քովը նստաւ, երկու փոքրիկ աղջիկները ամօթխած էին և իր ծունկերուն կը փաթէին:

- Կուզեմ որ այս փոքր աղջիկներուն կաշիէ ոտնամաններ շինէք դարնան համար:

- Շատ լաւ. երբէք այնքան փոքրը շինած չենք. բայց կրնանք շինել, ծայրերը կաշիէ՞ թէ լաթէ ըլլան: Հոն է Միքայէլը ամէն բան ձեռքէն կուգայ: Սիմոն դարձաւ Միքայէլին նայեցաւ և տեսաւ որ ան իր գործը մէկ կողմ նետած՝ ուղղակի պզտիկ աղջիկներուն հը նայէր: Սիմոն զարմացաւ, իրաւ է որ պզտիկ աղջիկները գեղեցիկ էին սեւ աչուրներով, գիրուկ և վարդագոյն աղուոր վերարկուներ ու թաշկիռակներ ունէին, բայց այսուհանդէպ Սիմոն չէր հասկնար թէ Միքայէլ ինչո՞ւ զանոնք այնքան ուշադրութեամբ կը քննէր, իբրեւ թէ ճանչնար զանոնք: Սիմոն ապշահար՝ գինը որոշելու համար սկսաւ կնոջ հետ խօսիլ: Սակարկութիւնը լմնցնելէ վերջ չափերը պատրաստեց: Կինը փոքրիկ կաղ աղջիկը իր գիրկը առաւ և ըսաւ. «Այս փոքր աղջնակէն երկու չափ առ», Մին գալարուած ոտքէն եւ երեք հատ ալ միւս ոտքէն: Իրենց ոտքերը յարանման են անոնք. երկուորեակներ են. «Սիմոն չափերը առաւ և փոքրիկ հաշմանդամին վրայ նայելով ըսաւ.

- Այսքան գեղեցիկ մանուկ մը, ինչպէ՞ս ասանկ եղաւ. Աստուծոյ ծնաւ.
- Ո՛չ ըսաւ կինը, իր մայրը ձգտեց գինքը.
- Մարթա փափաքելով գիտնալ թէ ո՛վ էր կինը եւ աղաքը որուն էին, խօսակցութեան մէջ մտաւ և հարցուց,
- Դուն իրենց մայրը չե՞ս:
- Ո՛չ փոքրիկ տիրուհի, իրենց մայրը չեմ, ոչ ալ անոնց մէկ ազգականը: Անոնք բոլորովին անծանօթներ էին ինծի: Զանոնք որդեգրեցի:

— Բ... զաւակներդ չըլլալով հանգերձ զանոնք այն-
քան կը սիրե՞ս .

— Ինչպէ՞ս չսիրեմ. երկուքն ալ լանջքիս վրայ սը-
նուցի. զաւակ մը ունէի բայց Աստուած առաւ զինքը :
Անոր վրայ այնքան հոգ չունէի, որքան ունիմ ասոնց
վրայ :

— Որու՞ն տղաքներն են ասոնք :

Թ .

Կինը խօսիլ սկսաւ և պատմեց անոնց ամբողջ պատ-
մութիւնը—

— Վեց ամբիւրստ րատ հէ, այս երկու տղաքները մէկ
չաբթուան մէջ որբացան : Հայրը երեքշաբթի օր թաղուե-
ցաւ մայրը ուրբաթ օր մեռաւ : Իրենց հօրը մահէն երեք
օր վերջը ծնան և մայրերնին իրենց ծնելէն ետք օր մը
խսկ չապրեցաւ : Այդ ժամանակ ամուսնոյս հետ քաղաքը
կը բնակէինք : Դրացիներ էինք, իրենց հիւղակը մերի-
նին քովէ էր : Հայրերնին մեռալեաց գերեզման մը՝ ան-
տառէն փայտ կտրելով կ'ապրեցնէր իր ընտանիքը : Օր
մը վրան ծառ մը ինկաւ, և աղիքները դուրս թափեց :
Հազիւ թէ տուն բերած էին զինք հողին աւանդեց : Նոյն
չաբթուան մէջ կինը երկուորեակներ ծնան—այս պղտիկ
աղջնակները : Նէ բոլորովին միայնակ էր խեղճութեան և
միայնութեան մէջ, մէկը չունէր իրեն օգնող :

Մենդաբերութեան ժամանակ միայնակ էր և միայնակ
մահուան ժամուն : Յաջորդ առաւօտ գացի տեսնելու համար
թէ ինչպէս էր, զինքը պազած ու կարծրացած գտայ : Մե-
ռած ատեն գործուած էր այս պղտիկ աղջկան վրայ զինքը
ձգմած և ոտքը գալարած էր : Դրացիները եկան շապով,
լուացին մարմինը ու դուրս հանեցին և գագաղ մը շինե-
լով թաղեցին զինքը : Անոնց ամէնքն ալ բարի մարդիկ
էին : Բայց մէջտեղը երկու փոքրիկ աղջիկներ կային .
ի՞նչ պիտի ընէին զանոնք : Նս կայի միայն որ նորածին
մը ունէի : Ութը շաբաթ է ի վեր կաթ կուտայի տղուս .

ուստի ժամանակի մը համար փոքրիկ աղջիկները ես առի :
Դիւղացիները մէկտեղ ժողուեցան և զանոնք ինչ ընելու
մասին խորհեցան, խօսեցան և յետոյ ինծի ըսին «Մարիա,
ատեն մը զանոնք պահէ և մեզի ժամանակ տուր խորհելու,
և բան մը որոշելու :»

«Չանոնք սնուցանել սկսայ եւ կը խորհէի թէ կաղը
սնուցանելու հարկ չկար : Բնաւ չէի կրնար յուսալ թէ ան
կրնար ապրիլ : Բայց յետոյ ինքնիրենս ըսի. «Ինչո՞ւ պղտիկ
հրեշափէին հոգին տառապի,» խղճացի վրան եւ զայն ալ
կերակրեցի : Այնպէսով անոնց երեքն ալ կաթովս սնուցի
մտնի : Եւ այ և վուրք : Երիտասարդ եւ զօրաւոր էի
այն ատեն և առատ կաթ ունէի : Աստուած այնքան առատ
կաթ տուաւ որ չէի գիտեր թէ աւելին ինչընելու էի : Եր-
կուքը միեւնոյն ժամանակ կը սնուցանէի երրորդը կը
սպասէր : Երբ մին կշտանար երրորդը կառնէի : Այսպէս
Աստուած թոյլ տուաւ որ երեքն ալ սնուցանեմ, բայց
մանչս երկու տարեկան չկար մեռաւ : Աստուած անկէ ի
վեր ինծի զաւակ չպարգեւեց : Բայց մեր նիւթական վի-
ճակը բարելաւուեցաւ և հիմա մենք վաճառականին հետ
աղօրթիք կը բնակինք, լաւ կը շահինք եւ աղէկ կ'ապ-
րինք : Զաւակ չունիմ ատանց այս տղաքներուն ինչպէ՞ս
միայնակ պիտի կրնամ ապրիլ : Ինչպէ՞ս կրնամ զաղբիլ
զանոնք սիրելէ : Անոնք ինծի համար այն են ինչ որ է
մեղրամոմը մոմին համար :

Կինը մէկ ձեռքովը կաղ աղջիկը կուրծքին վրայ սեղ-
մեց եւ միւսովը իր այտերէն հոտող արցունքը սրբեց :
Մարթա հառաչեց եւ ըսաւ «Հին առած մը կայ որ շատ
ճիշտ է. «Մարդիկ կրնան ստանց իօր կաւ մօր ապրիլ, բայց
ստանց Աստուծոյ երբեք :»

Երբ այսպէս իրենց մէջ կը խօսակցէին, Միքայէլին
նստած անկիւնէն լոյս մը ելաւ կայծակի մը չողիւնին
նման ու ամբողջ սենեակը վայրկենապէս լուսաւորեց :
Ամէնքն ալ իրեն նայեցան եւ տեսան որ ձեռքերը ծուն-
կուրներուն վրայ ծալած նստած էր եւ գէպի վեր կը
նայէր ու կը ժպտէր :

Ժ.

Կինը տղաքներուն հետ մէկտեղ մեկնեցաւ: Միքայէլ նստարանէն ելաւ, գործը վար դրաւ, հանեց գոգնոցը հնակարկատին եւ կնոջը առջևը մրնչեւ գետինը խոնարհութիւն ըրաւ եւ ըսաւ:

—Մնաք բարով, տանտէրներ. Աստուած ինծի ներած է: Դուք ալ ինծի ներեցէք եթէ սխալ մը գործեցի:

Տեսան որ Միքայէլէն լոյս մը կը ցոլար: Միմոն ոտք ելաւ, Միքայէլին առջևը խոնարհեցաւ եւ ըսաւ:

—Կը տեսնեմ, Միքայէլ, որ դուն սովորական մարդ մը չես, եւ ես չեմ կարող վար դնել կամ հարցափորձել քեզ: Այսու հանդերձ միայն սա հարցումներուս պատասխանէ. Ինչո՞ւ երբ քեզ գտայ եւ տուն բերի տխուր էիր, եւ ինչո՞ւ երբ Մարթա ուսելիք տուաւ քեզի, իրեն նայելով ժպտեցար եւ անկէ վերջ աւելի զուարթ եղար: Յետոյ երբ ազնուականը եկաւ ոտնամաններ ապսպրելու համար, երկրորդ անգամ ինչո՞ւ ժպտեցար ու աւելի զուարթացար: Եւ հիմա երբ կինը պզտիկ աղջիկները բերաւ, ինչո՞ւ երրորդ անգամ ժպտեցար եւ այնքան խանդավառ եղար: Ընէ ինծի Միքայէլ, ինչո՞ւ քեզմէ այսպիսի լոյս մը կը ցոլայ եւ ինչո՞ւ երեք անգամ ժպտեցար:

Միքայէլ ըսաւ.

—Լոյս կարտացոլայ ինձմէ որովհետեւ պատժուած էի եւ արդ Աստուած ներած է ինծի: Երեք անգամ ժպտեցայ որովհետեւ ինձմէ պահանջուած էր Աստուծմէ երեք բռտեր սորվիլ: Հիմա այդ երեք բռտերը գիտեմ. Առաջին բռտը սորվեցայ երբ կինդ խղճաց վրաս, ուստի առաջին անգամ ժպտեցայ: Երկրորդ բռտը սորվեցայ երբ հարուստ մարդը ոտնամաններ ապսպրեց, ուստի նորէն ժպտեցայ: Եւ հիմա երբ պզտիկ աղջիկները տեսայ, երրորդ եւ վերջին բռտը սորվեցայ. ուստի երրորդ անգամ ժպտեցայ: Սիմոն յսաւ, «ըսէ՛ ինծի Միքայէլ, ինչո՞ւ Աստուած

պատժեց քեզ, եւ ի՞նչ են այդ երեք բռտերը, որպէս զի ես ալ զանոնք գիտնամ»:

Միքայէլ ըսաւ. «Աստուած պատժեց զիս որովհետեւ իրեն չհնազանդեցայ: Երկնքի մէջ հրեշտակ մըն էի եւ Աստուծոյ անհնազանդ գտնուեցայ: Երկնքի մէջ հրեշտակ մըն էի, Աստուած խրկեց զիս որպէս զի կնոջ մը հոգին առնեմ: Վար՛ երկիր իջայ եւ տեսայ կինը միայնակ եւ հիւանդ պառկած: Քիչ մը առաջ երկուորեակներ ծներ էր —երկու փոքրիկ աղջիկներ: Անոնք մեղմօրէն կը շարժրակէին իրենց մօրը քովիկը. նէ զանոնք կուրծքին վրայ քաշելու չափ իսկ ուժ չուներ: Կինը տեսաւ զիս, հասկըցաւ ու Աստուած խրկած էր զիս իր հոգին առնելու համար, յայնչառաջ ըսաւ, «Հրեշտակ Աստուծո՛յ, նոր թացին ախտահնա, անտառէն ծառ մը ինկաւ ուղի սպաննեց զայն: Այս պզտիկ որբերու հոգ տանող ոչ քոյր ոչ մօրաքոյր եւ ոչ մայր ունիմ, փոքրիկ հոգիս մի առներ: Թող աուր որ զաւակներս եւ սնուցանեմ, մեծցնեմ ու ոտք հանեմ զանոնք ինչպէ՛ս առանց հօր կամ մօր պիտի կարենան ապրիլ: Մօրը խնդրածին համեմատ շարժեցայ, մանուկներէն մին իր գիրկը եւ միւսը բազուկներուն մէջ դնելէ վերջ երկինք՝ Աստուծոյ քով վերադարձայ. դէպի Աստուած թռայ եւ ըսի «Չէի կրնար կնոջ հոգին առնել: Հայրը անտառին մէջ մտեր էր. մայրը նորածիններ ուներ, աղաչեց որ իր հոգին չառնեմ: Նէ բաւ. «Թող աուր որ սնուցանեմ մանուկներս եւ մեծցնեմ զանոնք: Ինչպէս կրնան առանց հօր կամ մօր ապրիլ: Չէի կրնար մօրը հոգին առնել:»

«Աստուած ըսաւ ինծի» «Ետ դարձիր եւ մօրը հոգին ա՛ւ: Մինչև ուր երեք բռտեր չսորվիս, երկինք մի՛ վերադառնար: Պիտի սորվիս թէ ի՞նչ կայ մարդոց մեջ եւ ի՞նչ տրուած չի մարդոց եւ մարդիկ ինչո՞վ կ'ապրին:

Ետ՛ երկիր իջայ եւ մօրը հոգին առի: Նորածինները կուրծքէն ինկան անշունջ մարմինը անկողնին մէջ գլորուեցաւ եւ պզտիկներէն մին ճգմեց եւ ոտքը գալարեց: Գիւղէն վեր բարձրացայ եւ ջանացի հոգին Աստուծոյ առնիլ: Մեծ հով մը պատեց զիս, թեւերս ինկան եւ տարուեցան: Հոգին միայնակ Աստուծոյ ելաւ, եւ ալ երկիր ինկայ ճամբուն եղերքը:

ժ.Ա.

Միմոն և Մարթա հիմա հասկացան թէ զո՛վ կերակրած և հագուեցուցած էին, և ո՛վ էր իրենց հետ ապրողը, սուտի վախէ եւ ուրախութենէ մղհալ լացին: Հրեշտակը աւելցուց, «Մարդկային պէտքերէն ոչ մէկուն գիտակ՝ դաշտին մէջ միայնակ ու մերկ կը կենայի, հիմա որ շրնչաւոր էի չէի գիտեր թէ ինչ կը նշանակէին անօթութիւն, աղքատութիւն կամ ցուրտ»:

Սովալլուկ եւ սառած, ի՛նչ ընելիքս չէի գիտեր Դ. շտին մէջ Աստուծոյ համար կառուցուած մատուռ մը տեսայ: Հոն գացի, խորհելով հոն ապաստանարան գտնել: Բայց մատուռին դուռը կղպուած էր որով ներս չէի կըրնար մտնել: Հովէն ինքզինքս պատասպարելու համար ըստիպուեցայ մատուռի պատին տակը նստել: Իրիկունը վրայ հասաւ անօթի էի եւ ցուրտէն կը սառէի. եւ ամէն կողմն կը ցաւէր: Յանկարծ փողոցի վարի կողմէն մարդու մը գալը լսեցի: Չեռքին մէջ գոյգ մը կօշիկ ունէր ան, եւ ինքնիրենը կը խօսէր. Մարդ ըլլալէս ի վեր ատաղին ան գամն էր որ մարդկային դէմք կը տեսնէի: Այս մարդուն դէմքը զիս սոսկումով լեցուց. զինքը չտեսնելու համար հակառակ կողմը դառնայ: Լսեցի որ ան ինքնիրեն կը խօսէր ձմեռուան միջոցին մարդիներ ցուրտէն պաշտպանելու կնոջը եւ զաւակներուն համար կերակուր ձարելու վրայ: Ինքնիրենս խորհեցայ. ես ցուրտէն ու անօթութենէ կը կորսուիմ ու այս մարդը ասք պահող վերաբերու մը, իրեն եւ կնոջը համար բաւականաչափ հաց ձարելու միջոցներուն վրայ կը խորհի: Ան չկրնար օգնել ինձի: Մարդը զիս տեսնելով, խոժոռեցաւ եւ առաջուրնէ աւելի սոսկալի երևեոյթ մը առաւ: Երբ ձամբան շարունակելով հեռացաւ յուսահատ եղայ: Յանկարծ լսեցի մարդուն ետ գալը անոր նայեցայ եւ տեսայ որ սիւնեոյն մարդը չէր. առաջ դէմքին վրայ մահ կար, հիմա

կեանք: Դէմքին վրայ զԱստուած տեսայ, Բովս եկաւ եւ զիս հագուեցուց, ու իր տունը տարաւ: Երբ տուն հասանք, մեզ դիմաւորելու համար կին մը դուրս ելաւ եւ սկսաւ խօսիլ. կինը մարդէն աւելի սոսկալի էր: Բերնէն մահուան ոգին կ'արտաշնչուէր ու ես կը շնչահեղձուէի ժահրին սպտականութենէն: Նէ զիս ցուրտին մէջ ձգել ուզեց. եթէ այդպէս ըրած ըլլար վստահ եմ թէ պիտի մեռնէր: Յանկարծ ամուսինը Աստուծոյ անունը յիշեց եւ կինը անմիջապէս փոխուեցաւ: Երբ մեզի ուտելիք տուաւ եւ քաղցրութեամբ վրաս նայեցաւ, այն ատեն կնոջ նայեցայ դէմքին վրայ տլեւս մահ չկար, այլ կենդանութիւն ու իր մէջ Աստուած տեսայ: «Այն ատեն Աստուծոյ սորվեցնել ուզած առաջին բառը յիշեցի՝ պիտի սորվիս թէ ինչ կայ մարդուն մէջ»: Հասկցայ որ մարդուն մէջ սեր կար. ուրախացայ, որովհետեւ Աստուած արդէն սկսած էր ինձի յայտնել ի՛նչ որ խոստացած էր, ու առաջին անգամը ըլլալով խնդացի: Բայց տակաւին ամէն բան չէի կրնար հասկնալ: Չէի գիտեր թէ մարդոց ի՛նչ բան տեսած չէր եւ թե մարդիկ ի՛նչով կ'սպրեկն:

«Չեզի հետ ապրի սկսայ, տարի մը ապրած էի երբ մարդ մը ոտնամաներ ապսպրելու եկաւ, ոտնամաններ՝ որոնք տարի մը առանց ձաթելու և ձեւափոխելու պիտի հալնուէին: Իրեն նայեցայ և յանկարծ իր ետեւը ընկերս՝ մահուան հրեշտակը կեցած տեսայ: Ինձմէ զատ հրեշտակը աննող չեղաւ. բայց ես զինքը կը ճանչնայի և գիտէի որ արեւը մարը մտնելէն առաջ, ան հարուստ մարդուն հողին պիտի առնէր: Մտովին կըսէի. «այս մարդը տարուան մը համար պատրաստութիւն կը տեսնէ եւ չգիտեր որ իրիկուն չեղած պիտի մեռնի»: Ասոր վրայ Աստուծոյ երկրորդ բառը յիշեցի, պիտի սորվիս թէ «ինչ տրուած չէ մարդոց» Դիտնալով արդէն թէ ինչ կար մարդոց մէջ, հիմա գիտէի նաեւ թէ մարդոց ի՛նչ տրուած չէր. մարդոց տրուած չէր գիտնալ թէ ինչ բաներու պէտք ունէին իրենց մարմիններուն համար: Եւ երկրորդ անգամը, ժպտեցայ: Ուրախ էի որ հրեշտակ ընկերս տեսած էի, ուրախ էի որ Աս

տուած իր երկրորդ՝ բառը ինծի յայտնած էր: «Բայց այ սուհանդերձ ամէն բան չէի կրնար հասկնալ»: Չէի հասկըցած թէ մարդիկ ինչո՞ւ կ'ապրեին: Սպասեցի ու սպասեցի մինչեւ որ Աստուած իր երրորդ բառը ինծի յայտնեց: Եւ վեցերորդ տարին պզտիկ երկւորեակ աղջիկները երբ եկան, ճանչցայ զանոնք եւ իմացայ թէ անոնք մահուընէ Բնչպէս ազատած էին: Երբ ասոնք լսեցի սկսայ խորհիլ «Մայրը մանուկներուն մասին զգացած սէրէն մղեալ աղաչած էր ու համակերպած էի: Խորհած էի թէ մանուկները առանց հօր կամ մօր չէին կրնար ապրիլ: Այսուհանդերձ օտարական մը զանոնք դիեցուցած եւ մեծցուցած էր: Քիչ առաջ երբ կէնը իրենը չեղող մանուկներուն վրայ լացաւ եւ երբ տեսայ անոնց հանդէպ ունեցած քաղցրութիւնը, իր անձին մէջ ճանչցայ կենդանի Աստուածը եւ գիացա՛յ թէ մարդիկ ինչո՞ւ կ'ապրեին: Այլեւս զգացի թէ Աստուած իր վերջին բառը յայտնած ու ներած էր ինձ:

Ասոր վրայ երրորդ անգամ ժպտեցայ:

ՃՌ.

Հանդերձները ինկան հրեշտակին մարմինէն եւ լոյսի այնպիսի պայծառութեամբ մը շրջապատուեցաւ որ անկարելի էր անոր նայիլ: Հնչուն ձայնով մը խօսեցաւ ու այնպիսի տպաւորութիւն մը գործեց իբր թէ ան ոչ թէ իրմէ այլ վերի երկինքներէն կուգար:

Հրեշտակը ըսաւ:

— Ինքզինքին հոգ տանելով չէ որ մարդս կ'ապրի այլ սիրով: Մօրը կարողութենէն վեր էր գիտնալ թէ մանուկները իրենց կեանքին համար ինչ բաներու պէտք ունէին: Ու է մարդու արուած չէ գիտնալ իրենց կենդանի մարմիններուն համար կօշիկներու և կամ իրիկուան գիակին համար մուճակներու պէտք ունենալին: Երբ մարդ էի ողջ մնացի ո՛չ թէ որովհետեւ ինքզինքիս հոգ տարի, այլ որովհետեւ օտարականի մը եւ անոր կնոջը

սրտին մէջ սէր գտնուելով խղճացին վրաս ու սիրեցին զիս: Որբերը իրենք իրենց վրայ խորհելով չէ՛ր որ ողջ մնացին այլ որովհետեւ օտար կնոջ մը սրտին մէջ սէր կար և նա խղճաց ու սիրեց զանոնք: Բովանդակ մարդկութիւնը կ'ապրի ոչ թէ ինք իր վրայ հոգ ընելով այլ մարդուն մէջ գոյութիւն ունեցող սիրով:

«Առաջ գիտէի որ Աստուած կեանք տուած է մարդոց և կ'ուզէ որ ապրին. հիմա ուրիշ բան մը գիացայ:

«Սորվեցայ որ Աստուած մարդոց առանձին ապրիլը չուզեր ուստի նա չյայտներ իւրաքանչիւր մարդու իրեն համար պէտք եղածը. Աստուած կը փափաքի որ մարդիկ միութեամբ ապրին այս պատճառաւ անոնց յայտնած է միայն այն բաները որանց բոլոր մարդիկ պէտք ունին իրենց և ամէնուն՝ միասնաբար:

«Մարդոց անանկ կերեւայ թէ իրենք իրենց վրայ հոգ տանելովին է որ կ'ապրին, սորվեցայ որ իրականութեան մէջ անոնք մի միայն սիրով կ'ապրին: Ան որ սիրոյ մէջ կ'ապրի Աստուծոյ մէջ կ'ապրի և Աստուած իր մէջը, որովհետեւ Աստուած սէր է:


Հրեշտակը Աստուած փառաբանեց և հիւզակը իր ձայնին թրթռումներէն դղրդեցաւ:

Եւ տանիքը բացուելով կրակէ սիւն մը երկրէն երկինք բարձրացաւ: Սիւնն իր կնոջը և զաւակներուն հետ գետինը ինկաւ: Եւ հրեշտակին ուսերէն թեւեր բուսնելով, ան երկինքներու մէջ համարձաւ:

Ու երբ Սիւնն իր աչքերը վեր առաւ, հիւզակը առաջուանին նման կանգուն գտաւ և սակայն հոն իրմէ կնոջմէն և զաւակներէն զատ ուրիշ մէկը չկար:

Վ Ե Ր Զ





51

4350

ԾԱՆՈՒՑՈՒՄ

ԸՆԿԵՐԱԿՑՈՒԹԻՒՆՍ, հայերեն և օսար լեզուներով, 500 հասոբե աւելի գրքեր պարունակող մատենադարան մը ունի, զոր կաւխասի օր ըս օրէ նոխացնել, և որուն համար եղած ու և իցէ մատենակրթական դրամական նուէր երախտագիտութեամբ կ'ընդունուի:

Այս առիթով ի մասնաւորի կը խնդրենք պատուարժան հեղինակներէ, բարգմանիչներէ ու հրատարակիչներէ որ իրենց հրատարակութիւններէն մէկ մէկ օրինակ մատենադարանիս նուիրեն, և ասով ազգիս մէջ մատենադարաններու կազմութեան իրական սասարներէն մին հանդիսացած ըլլալու գոհունակութիւնը վայելեն:

ՍԿԻՏԱՐԻ Ե. Ք. ԸՆԿԵՐԱԿՑՈՒԹԻՒՆ
ԳՈՐԾԱԳԻՉ ԱՅԼՈՄԻՆԸ

